

# Kattussuunnerit, suliffeqarfinnik tigusinerit suliffeqarfinnilu kattussinerit pillugit Unammilleqatigiinnermut Nakkutilliisoqarfimmum nalunaaruteqartarnermut malittarisassat pillugit Namminersornerullutik Oqartussat

Unammilleqatigiinneq pillugu inatsisartut inatsissaat nr. 16, 19. november 2007-imeersumi § 14, imm. 2 malillugu aamma Unammilleqatigiinnermut Ataatsimiititaliamit oqaaseqaateqarneratigut aalajangersarneqarpoq:

## *Nalunaaruteqartussaatitaaneq*

**§ 1.** Kattussuunnerit, suliffeqarfinnik tigusinerit imaluunniit suliffeqarfinnik kattussinerit naammassineqarnerisa kingorna kingusinnerpaamik sapaatit akunneri sisamat qaangiutsinnagit, unammilleqatigiinneq pillugu inatsimmi § 14, imm. 1 naap., kattussuunneq, suliffeqarfinnik tigusineq suliffeqarfinnilu kattussinerit Unammilleqatigiinnermut Nakkutilliisoqarfimmum nalunaarutigineqassapput.

*Imm. 2. Imm. 1 malillugu nalunaaruteqartussaaneq atuutinngilaq kattussuunneq, suliffeqarfimmik tigusineq imaluunnit suliffeqarfinnik kattussineq suliffeqarfiup piginnittuusup immikkoortortallu akornanni pisimappat imaluunniit suliffeqarfissuarmi ataatsimi suliffeqarfinni immikkoortortat akornanni pisimappat.*

*Imm. 3. Imm. 1 malillugu nalunaaruteqartussaatitaaneq taamaallaat atuuppoq suliffeqarfinni pineqartuni minnerpaamik ataaseq Kalaallit Nunaanniippat.*

**§ 2.** § 1 naapertorlugu nalunaaruteqarnissamut pisussaaffik kattussuunnermi, suliffeqarfimmik tigusinermi imaluunniit suliffeqarfinnik kattussinermi suliffeqarfimmik ingerlaannartumiippoq. Ingerlatseqatigiiffimmik nutaamik pilersitsisoqartillugu nalunaaruteqarnissamut pisussaaffik ingerlatseqatigiiffimmik nutaamiippoq.

**§ 3.** Nalunaaruteqartussaatitaanermut ilaapput kattussuunnerit, suliffeqarfinnik tigusinerit aamma suliffeqarfinnik kattussinerit, suliffeqarfinni peqataasuni attuumassuteqartunilu kaaviiartitat tamarmiusut katillugit 20 million koruunit sinnersimatillugit, unammilleqatigiinneq pillugu inatsisartut inatsissaat malillugu kaaviiartitat naatsorsorneqarneri pillugit Namminersornerullutik Oqartussat nalunaarutaat naap.

*Nassuaatit*

**§ 4.** Nalunaarummi matumani kattussuuneq pillugu taaguut aktiaateqarluni piginneqataassuteqarlunilu inatsimmi, kunngip peqqusineratigut Kalaallit Nunaannut atulersinneqartumi kattussuunnermi malittarisasanut naapertuuttumik paasineqassaaq ingerlatseqatigiiffiullu akiliisinnaajunnaarnertaqanngitsumik atorunnaarsinneqarneratigut ingerlatseqatigiiffiup pigisaanik nalilinnik akiitsuinillu ingerlatseqatigiiffimmut allamut tunniussisoqarnerani, aamma ingerlatseqatigiiffit marluk amerlanerusulluunniit ingerlatseqatigiiffimmut nutaamut ataatsimut ataatsimuulersinneqaraangata atorneqartarluni.

**§ 5.** Nalunaarummi matumani suliffeqarfimmik tigusineq paasineqassaaq suliffeqarfifiup aningasaataanik imaluunniit taasisinnaatitaanerup ilaaniq ima annertutigisumik pissarsineq aningasaatit ilaaniq imaluunniit taasisinnaatitaanermik suliffeqarfik tigusisuusoq inuilluunniit suliffeqarfifiup iliuuseqarsinnaassusianik aalajangiisumik sunniuteqalerlutik.

**§ 6.** Nalunaarummi matumani suliffeqarfinnik kattussineq paasineqassaaq suliffeqarfinnik eqiterinerit allat, § 4 imaluunniit § 5-imi ilaatinneqanngitsut.

**§ 7.** Nalunaarummi matumani aalajangiisumik sunniuteqarneq atulersarpoq suliffeqarfik aningasaqarnikkut piginnittuunikkut imaluunniit taasisinnaatitaanikkut suliffeqarfimmi allami aalajangiisumik sunniuteqarsinnaalerpat, aktiaateqarluni ingerlatseqatigiiffit pillugit inatsimmi peqqussutikkut Kalaallit Nunaannut atulersinneqartumi § 2, naap.

*Nalunaarutip tunniunneqarnera nalunaarutillu imaa*

**§ 9.** Kattussuunnernik, suliffeqarfinnik tigusinernik aamma suliffeqarfinnik kattussinernik § 1 malillugu nalunaaruteqarnermi immersugassiaq K5, nalunaarummut matumunga ilanngussaq atorneqassaaq.

*Imm. 2. Immersugassiaq K5-imi allanneqarsimasunik paassisutissanik allagaatinillu tamanik nalunaarut imaqassaaq.*

*Pineqaatissiinerit*

**§ 10.** Unioqqutitsinerit unammilleqatigiinneq pillugu inatsisartut inatsisaanni § 29, imm. 1, nr. 5 aamma imm. 3 malillugit akiliisitsinermik kinguneqarsinnaapput.

*Atulersinnera*

**§ 11.** Nalunaarut una 1. julip 2008-mi atulissaq.

Namminersornerullutik Oqartussat ulloq 27. juni 2008

Siverth K. Heilmann

/

Bent A. Sørensen

Ilanngussaq

**Namminersorlutik Oqartussat**  
Imaneq 4  
3900 Nuuk  
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut